

❖ MAE’N GYFLAWN AWR NADOLIG

Mae’n gyflawn awr Nadolig
 A’r seren em ar daen,
 A chysgod mud y doethion
 Yn mudo dros y waun:
 A chyda hwy awn ninnau
 Hyd lety’r wryf dlawd
 I rythu mewn rhyfeddod
 Ar Dduw mewn gwisg o gnawd.

Dros fryniau dinas Dafydd
 Mae nef oleuni gwyn,
 A’r twr bugeiliaid ofnus
 Dan gryndod neges syn:
 Ond dringo wnawn ni atynt
 Er brysio tua’r dre
 I foli’r Oen a anwyd
 I farw yn ein lle.

Yn Llys penllanw hanes
 Ceir teyrn ar orsedd braw
 A dicter hunanoldeb
 Yn fwrddwr yn ei law:
 Ond ato awn er hynny
 I herio’r unben bras
 Yng ngrym yr oruchafiaeth
 Sy’n nemocratiaeth gras.

Mewn llety oer ym Methle’m
 Mae llysdad yn hundroi,
 A’r angel yn ei ddeffro
 Â hergwd frys i ffoi:
 Awn ninnau ato heno
 I warchod baban Mair
 Gan wybod mor ddi-allu
 Yw’r Hollalluog Air.

D. Gerald Jones